



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

38. Secundum Breve S. D. N. Innocentij Papæ ad Episcopum Apamensem.

urn:nbn:de:hbz:466:1-38277

328 Dissert. I. § VIII. Documenta ex Gallico
stram auctoritatem suam persuadendo Regi interponere,
ut Regaliā intra fines à Majoribus suis obtentos, & à Lug.
dunensi Concilio (quod extendi eam vetuit) concessos
contentus esse velit.

Finio, mi Pater, nec aliud adjungo, quām esse utique
Charitatis Vestrae, pacem tandem concedere Episcopo se-
ptuaginta annos nato, quadraginta pastorales infulas su-
stinenti, & ultimas horas præstolanti; nec amplius pati
viros selectæ virtutis, Deoque speciali ratione consecratos,
quique cum tanta omnium ædificatione illius se obsequio
addixerunt, ab ijs tam sævâ persecutione pulsari dissipari-
que, qui se vitæ Regularis hostes profitentur. Spero equi-
dem, me Deo propitio usque in extrema fidelem fore, ne
cessabo esse, quidcunque tandem à Paternitate Vefra ad-
versi mihi contigerit.

Admodum Reverendæ
Paternitatis Vestrae

*Humilissimus & Obedientissimus
Servus*

Franciscus Episcopus Apamensis

Documentum XXXVIII.

Secundum Breve Sanctissimi D. N. INNOCENTI
PP. XI. ad Illustrissimum & Reverendissimum Epi-
scopum Apamensem.

INNOCENTIUS PP. XI.

Venerabilis Frater, salutem & Apostolicam Benedi-
ctionem. Præcipue argumentum laetitiae attulerunt
nobis litteræ Fraternitatis tuae proximè ad Nos datae, in
qui-

quibus eximium tuum de integra atque incorrupta servanda morali Theologia, de instauranda Cleri, & Regularium Ordinum disciplina, deque propulsanda ab Ecclesia secularis potestatis injuria, zelum studiūmque disertè declares. Et quidem quod ad dicecessis tuae rationes pertinet, gratias Divinæ Majestati agere non cessamus, quòd in tanta rerum ac temporum difficultate suscitaverit sibi Sacerdotem fidelem, qui opponat mūrum pro domo Isræl. Neque dubitamus, quintot experimentis probata, & confirmata virtus tua, egregio proposito, Deo bene juvante, ad extremum constanter insistat, parati omni ope & auctoritate nostrâ tibi pro Dei honore tam strenue laboranti, perpetuò adesse. Reliqua à dilectofilio Archipresbytero Aquensi Viro pio, atque industrio, qui tuas Nobis litteras reddidit, & à quo has Nostras accipies, fusiùs cognosces, ac Fraternitati tuae Apostolicam Benedictiōnem peramanter impertimur. Datum Romæ apud Sanctam MARIAM majorem sub annulo Piscatoris die secundā Augusti 1679. Pontificatus Nostri anno tertio.

Marius Spinula,

Documentum XXXIX.

Epistola ejusdem Illustrissimi & Reverendissimi
Episcopi Apamensis ad D. de Harley Procuratorem
Generalem Parlamenti Parisiensis.

Spanius 4. Septemb. 1679.

I Nsinuatum mihi fuit Arrestum, seu sententia ad instantiam Vestram à Parlamento pronuntiata, quo coram eorum tribunali sibi jubeor ad videndum irritari duas Constitu-

T ₅ tions